

# 瑜伽師地論

科句披尋記

## 彙編

卷一

(三)

彌勒菩薩說唐三藏沙門玄奘奉詔譯

韓清淨科記 三時學會彙編

### 丑二取果業

又謂能取愛非愛果，是第六業。

復有二業等者：此說二業，即隨轉業及取果業。隨轉業中復開爲三。一、隨意識轉；二、隨意染轉；三、隨發業轉。眼識轉時，由染污及善意識力所引故，從此無間有染污法或善法生。由此道理說彼眼識，隨意識轉，隨善染轉。如下意地釋。（陵本三卷六頁）又由意識能發善不善業、彼亦隨轉；由是復說隨發業轉。取果業中，於人天趣有善業異熟生眼；於諸惡趣有不善業異熟生眼。如是差別，從業所生；是名能取愛非愛果。

### 庚二耳識攝四

#### 辛一自性

云何耳識自性？謂依耳，了別聲。

#### 辛二所依二

##### 壬一舉依三

癸一俱有依

彼所依者：俱有依，謂耳。

癸二等無間依

等無間依，謂意。

癸三種子依

種子依，謂一切種子阿賴耶識。

#### 壬二出體

癸一耳

耳、謂四大種所造耳識所依淨色，無見有對。

### 癸二意等

意及種子，如前分別。

耳識自性等者：此中自性及所依隨應當知，如前分別。鼻舌身識，下皆準釋。

#### 辛三所緣二

##### 壬一出體性

彼所緣者，謂聲，無見有對。

##### 壬二辨種類二

##### 癸一出多聲

此復多種。如螺貝聲，大小鼓聲，舞聲，歌聲，諸音樂聲，俳優叫聲，女聲，男聲，風林等聲，明了聲，不明了聲，有義聲，無義聲，下中上聲，江河等類，鬪諍誼雜聲受持演說聲，論議決擇聲。如是等類。有衆多聲。

如螺貝聲至有衆多聲者：此中螺貝乃至俳優叫聲十種聲攝：女聲男聲風林等聲，七種聲攝。等言，等取叢聲。明了聲不明了聲，二種聲攝。即了義聲不了義聲。有義聲無義聲，八種聲攝。四聖言聲，名有義聲；四非聖言聲，名無義聲。下中上聲江河等聲，此亦七種聲攝。下惡趣聲，是名下聲；中人趣聲，是名中聲；上天趣聲是名上聲。江河等者：等取鳥獸獸聲。鬪諍誼雜聲乃至論議決擇聲，六種聲攝。如下自釋。（陵本三卷十二頁）

#### 癸二略三種二

##### 子一初三種二

##### 丑一標列

此畧三種。謂因執受大種聲，因不執受大種聲，因執受不執受大種聲。

丑二料簡

初，唯內緣聲。次，唯外緣聲。後，內外緣聲。

因執受大種聲等者：地水火風，名四大種。此為依因偏生造色，得大種名。今依大種有三差別；是故建立成三種聲。謂若大種內身所攝，為阿賴耶識之所執受；是名執受大種。以此為因，聲現前起，名因執受大種聲。若諸大種外器所攝，不為阿賴耶識之所執受；是名不執受大種。以此為因，聲現前起，名因不執受大種聲。若以執受不執受二種大種為因之所生聲，名因執受不執受大種聲。如下自釋。初唯內緣聲者：謂如鬪諍誼雜聲等。次唯外緣聲者：謂如風林聲等。後內外緣聲等者：謂如螺貝聲等。

子二後三種

此復三種。謂可意聲，不可意聲，俱相違聲。

壬三釋異名二

癸一約彼相辨

又復聲者，謂嗚音詞吼表彰語等差別之名。

癸二約根識辨

是耳所行，耳境界，耳識所行，耳識境界，耳識所緣，意識所行，意識境界，意識所緣。

辛四助伴及業

助伴，及業，如前應知。

庚四舌識攝四

辛一自性

云何舌識自性？謂依舌，了別味。

辛二所依二

壬一舉依三

癸一俱有依

彼所依者，俱有依，謂舌。

癸二等無間依

等無間依，謂意。

癸三種子依

種子依，謂一切種子阿賴耶識。

壬二出體

癸一舌

舌，謂四大種所造舌識所依淨色，無見有對。

癸二意等

意，及種子，如前分別。

辛三所緣三

壬一出體性

彼所緣者：謂味，無見有對。

壬二辨種類二

癸一標

此復多種。謂苦，酢，辛，甘，鹹，淡，可意，不可意，若捨處所，舌所嘗。

可意不可意若捨處所舌所嘗者：此顯所緣三種差別。非可意非不可意名捨處所。於此處所不生貪恚，住無記故。

壬三釋異名二

癸一約彼相辨

又味者，謂應嘗，應吞，應噉，應飲，應舐，應吮，應受用，如是等差別之名。

癸二約根識辨

是舌所行，舌境界，舌識所行，舌識境界，舌識所緣，意識所行，意識境界，意識所緣。

辛四助伴及業

助伴，及業，如前應知。

庚五身識攝四

辛一自性

云何身識自性？謂依身，了別觸。

(未完)